

# Tu Hai Kamaal Baba | By Sanjay Nigam

Tu Hai Kamaal Baba Tu Hai Kamaal  
Teri Mahima Kamaal , Maiya Morvi Ke Lal  
Kab Kisko Kya Dede  
Kab Kisse Kya Lele  
Tere Jalwe Hain Bemisaal  
Tu Hai Kamaal Baba.....

Dhanya Hai Teri Khatu Nagri, Khushiyon Ka Hai Sahara  
Haare Ka Tu Saath Nibhaye, Tu Hai Shyam Hamara  
Sharan Mein Aaye Deen Dukhi Ko, Khaali Kabhi Bhi Mode Na  
Ye Ban Jaye Jiska Saathi, Saath Ye Uska Chhode Na  
Tu Hai Kamaal Baba.....

O Sanwariya Neele Wale Tere Khel Nirale  
Badal Jaye Kismat Ki Rekha Jispe Nazar Tu Daale  
Raja Ko Tu Rank Bana De, Rank Ko Raja Kar Deta  
Pal Mein Bhar Jaati Hain Jholi, Naam Jo Tera Hai Leta  
Tu Hai Kamaal Baba.....

Sheesh Ka Daani Shyam Dhani Tu Bhakton Ka Rakhwala  
Tu Hi Sabke Dukh Hai Harta, Khushiyan Dene Wala  
Tu Hi Daata Tu Anndata, Tu HI Dev Hamara Hai  
Bhav Sagar Se Paar Lagaye, Haare Ka Sahara Hai  
Tu Hai Kamaal Baba.....

<https://bhaktivandana.com/lyrics/%e0%a4%a4%e0%a5%82-%e0%a4%b9%e0%a5%88-%e0%a4%95%e0%a4%ae%e0%a4%be%e0%a4%b2-%e0%a4%ac%e0%a4%be%e0%a4%ac%e0%a4%be-by-sanjay-nigam/>